

م.ع. صابری

اوشاقلار ایچون شعرلر

۱۹۰۶ - ۱۹۱۰

طیب ایله خسته

بیر طبییه گیدوب ده بیر بیمار
دیدى: معدمهده آغرى بیر شی وار.

بیر دوا ویر، مکا علاج ایله!
اؤلورم، چاره مزاج ایله!

دوتدی نبضین طیب اونگ درحال،
نه یمشک-دییه ایدينجه سؤال،

دیدى: یانمش چورهك بیدم، دوقتور،
بیدیگیم بیر علاوه شی یوقدور.

باقا قالدی طیب اونگ سوزینه،
ایسته دی بیر دوا توکه گوزینه.

خسته: -معدمهدر آغرییان، آ گوزوم،
یوقسه مفهومکز دگلمی سوزوم؟

دیدى دوقتور اونا: که، ای احمق!
عیبلی اولماسا گوزوڭ مطلق،

یانمش اتمک بیمز ایدک اصلا،
بو سببله یارار توکولسه دوا.